

INUIT ATAQATIGIIT INATSISARTUNI



UPA2022/82

Ulloq saqqummiivik 08.10.2022

Illit atit: Mikivsuk Thomassen

Nammineq kissaatiginngisaminnik meerartaarsinnaanngitsut Qallunaat Nunaanni IVF aamma ICSI-mik ikiorserneqarsinnaanngorlugit angalanermullu, najugaqarnermut, misissortinnermut aammalu ikiorserneqarnermut aningaasartuutit peqqinnissaqarfimmiit akilerneqartarnissaannik neqerooruteqartoqartalernissaa pillugu Naalakkersuisut peqquneqarnissaanik Inatsisartunut aalajangiiffigisassatut siunnersuut. Tamatumani siunertaralugu nammineq kissaatiginngisamik meerartaarsinnaanngitsut ilaqtariinnut inuiaqatigiinnullu iluaqutaasussamik nuannaarutaasussamillu meerartaarsinnaanngornissaat.

(Inatsisartunut Ilaasortaq Anna Wangenheim, Demokraatit)

Siullermik qujarusuppunga saqqummiissumut.

Nammineerluni meerartaarsinnaanngikkaanni inuttut nukippassuit atorlugit iliuuseqarnartuuvoq, apeqquteqarpassuillu pigineqarsinnaallutik imminullu naleqannginnermik isigineqarsinnaasarluni, soorunami apeqqutinik pigisaqaraluarnillu inuttut ingerlariaqqikkusunneq pigigaanni alloriarnertut isigineqarsinnaasumik iliuuseqarsinnaaneq pitsaanerujuaannarpoq.

Nammineerlutik meerartaarsinnaanngitsut paasilluarsinnaaqaakka nammineq meerartaarusukkaluarluni qanoq ilungersunarsinnaanera takunikuullugu, inooqatigisalli sorleq naartulersitsisinnaannginnera apeqqutaalluinnartoq ilisimavara, tamannalu soorunami pitsaasumik paasineqarsinnaanissaanut qulakkeerneqarsimasariaqarluni.

INUIT ATAQATIGIIT INATSISARTUNI



meerartaarsinnaannginnerili ilaqtariinnut meerartaarusuttut misigissutsit imaannanngissinnaapput qularutiginnngilluinnarpara.

Meerartaarsinnaannginneq qulakkeersimaneqarnissaa pingaaruteqarluinnarpoq, ilumut nammineerluni naartulersinnaanngitsut naqissusersimaneqarsinnaaneq, soorunami taamatut naqissusersimaneqarneq annernartuuvoq ilaqtariinngorusuttunut, tamannalu assortornagu naqissuserusuppara paasilluarsinnaagakkit.

Nammineerlunni meerartaarsinnaanngikkaanni nunatta avataani aatsaat periarfissaavoq ikkussiffigitinnikkut naartulersoqarnissaalluni, soorunami ilaatigut iluatsinngitsoortoqarsinnaavoq ikkussiffigitikkaluarluni soorunami qulakkeerneqarsinnaannginnami ilumut iluatsissanersoq naartulersinnaanersoq.

Pingaaruteqartut ilaat eqqaarusuppara ilumut naartulersinnaanngitsut naqissusersimaneqarnissaa pingaaruteqarpoq ikkussiffigitinnissamut.

Inuit Ataqatigiinniit pingaarteqaarput ilaqtariittut inuuneqarnissaq taakkuummata siunissamut nunatsinnut iluaqutaasussat kivitseqataasussallu.

Naartulerusulluni nammineerlunilu / naartutitsisinnaanngikkaannilu periarfissaasinnaasumik nunatsinni periarfissaqartoqannginnera soorunami peqqinissaqarfitsinnut aamma sunniuteqarsinnaaneq eqqumaffigineqartariaqartoq.

Inuit Ataqatigiinniit Ilaqtariinnermut Peqqissutsimut ataatsimiitalimut innersuupparput sukumiisumik suliarineqarnissaa.